

# 中國建設新報週刊第一卷第二期目錄

財政之新使命.....林醉陶

國府以八事整飭紀綱(續).....林醉陶

警察與市政.....天視生

整理交通之我見(續).....華峯

我所希望於提倡國貨者.....衛公

民生主義於社會之關係.....夢甦

北平之將來.....恕

對於禁烟酒之瑣話.....今聞


國恥與抵制提倡.....一民

設教育部廢大學院.....紀倫

廢娼問題(續).....心青

一週中建設大事記略

中國建設新報週刊 第一卷 第二期 目錄



# 財政之新使命

(林醉陶)

## ——減縮軍費——

國之大政。首在理財。以吾國地域之廣。物產之豐。僅謀財用。事豈曰難。而乃十七年來。財政之支絀。日甚一日。其故何哉。竊曾推而論之。其致窮之因。不在於收入之無術。而在於支出之無方。當過去軍閥勢力之下。政出私門。中央之威令不行。民衆之擔負益重。截留稅款。自征苛捐。什之七八入私囊。什之二三養私兵。於是乎而軍民交困。國遂益窮。以最窮之國。養最多之兵。用最高價之軍費。爲最奢侈之內戰。卒至理財無術。坐以待亡。先哲有言曰。不患寡而患不均。不患貧而患不安。旨哉言也。夫養兵原以強國。然中國之弱。非不足於兵。實不足於財。財之所以不足。則兵多之害也。且財政爲國家之命脈。爲民生所休關。國富必強。國貧必弱。天下古今之公例也。民國建元。十七年於茲矣。此十七年之中。苛征暴斂。收入非不豐也。而以各自爲政。致中央之收入日絀。運籌維艱。欲解除此等現象。非統一財政不可。蓋財政統一。入有度量。出有節制。以就於理。則政尙焉。然財政旣統一矣。其支出必有預算。方能整理。否則漫無限制。入不敷出。依然支絀也。蓋僅取財而無取於理。斯又何政之足言。

政也者。正其不正以使之正之謂也。但以連年軍費浩大。苛稅繁興。民不聊生。萬不能量入爲出。現有收入。每年不過四萬五千萬。除應還內外債。及庫券基金。一萬七千六百五十四萬外。祇賸二萬七千四百餘萬。就現有各集團軍軍費而論。年需四萬八千餘萬。不敷將及半數。且訓政開始。尙須增加各種建設費。倘軍費不減。預算即不能成立。而財政當局。實無能力以負責也。是財政之新使命。不在統一及預算。而在於減縮軍費也。年來秉國鈞者。祇知求財。而不知所以爲政。遂至治日少。而亂日多。今者北伐功成。時代更新。當局者知非理財無以救國。於是有經濟會議。財政會議之舉。宏猷碩畫。燭照機先。而軍事領袖。亦知非縮減軍費。無以成財政之預算。故決議裁兵。減縮軍費。而有裁兵會議之舉。是裁兵爲財政統一之先決問題。蓋裁兵後。軍政統一。軍費確定。而財政問題。得以整理矣。竊願軍事當局。與財政當局。確定方案。尅日實行。救國家於將亡。奠國基於萬古。而慰吾全國四萬萬同胞之渴望也。

## 國府以八事整飭紀綱（續上期）

（林醉陶）

——明黨義——崇廉潔——親民衆——知慎勤

——尙節儉——絕嗜好——嚴賞罰——督功過

知慎勤 革命之精神。在於努力工作。蓋業精於勤。古有明訓。不努力工作。即爲腐化。爲革命工作之大障礙。革命官吏。首貴有革命之精神。謹慎將事。毋惰毋嬉。庶幾能爲黨國效忠。爲民衆造福。此國府以知慎勤整飭紀綱之旨也。

尙節儉 國奢示儉。所以救濟也。輓近世習靡麗。俗尙繁華。豐衣美食。汝奇我巧。冠婚喪祭。極意鋪張。幾以爲不如是。不足以表示豪舉。上行下效。風爲之變。奢侈相榜。足以亡國。國府感浮俗之移人。非整飭不足以救國。故示以明文。提倡節儉。服食起居。應求儉約。婚喪嫁娶。祇求中禮。誠目下之針砭也。

絕嗜好 合乎理者謂之情。背乎法者謂之慾。吃食嫖賭。均非法也。年來紀綱日墮。官箴無餘。而一般腐化官僚。惡習極深。一切嗜好。無所不染。革命官吏。應引之爲戒。以身作則。庶可以挽頹風而厲末俗。

嚴賞罰 國家立法。首重賞罰。賞罰嚴明。則足以勸善而懲惡。且治世尙寬。亂世尙嚴。當茲軍事將終。訓政開始之時。尤不能不取法於嚴。是非既明。黜陟大公。認真考核。信賞必罰。庶

有功者知所勸。而有罪者受其懲。吏治清明。國運興隆矣。

督功過。上下隔閡。敷衍塞責。此近年來中國之現狀也。以茲立國。不亡何待。國府當局。深知其弊。令督功過。長官僚屬。互相砥礪。分工合作。冀功日多而過日少。則政治休明。可計日而待也。

綜上八端。均爲整飭紀綱之要務。國府既明令通告。諄諄誠訓。革除官邪。冀澄吏治。彼政治之隆污。民生之休戚。均以此爲一大關鍵。所賴令出法隨。上下遵守。則青天白日旗下之吾四萬萬同胞。其亦均得承受昇平之福蔭。尤爲吾人所心警禱祝之也。

(已完)

## 警察與市政

(天視生)

市政之進行。固與人民有密切之關係。而市政之實施。尤與警察有重要之關聯。凡社會上一切之事務。以及社會上之治安。均爲市政之責任。而辦理事務。及維持治安。尤必賴夫警察。況以吾國教育。未能普及。一般普通民衆。多未了解市政真諦。苟無警察之維持。則譎者任意破壞。弱者多受凌欺。社會上之隱患。何堪設想。在警察行政。表面上處處抱干涉主義。處干涉地位。似乎專爲縛剝民衆自由幸福而設者。然法律所以維持民衆自由。警察所以

維持法律而實行保護民衆自由。欲使民衆達其得受自由之幸福。故不得不以干涉爲前提。使全國民衆。受法律之保護。而得達其自由之目的。是警察之責任。何等重大也。

北平之警察。在前固有爲全國模範之稱謂。其辦理之完善。斐然可觀。但連年來。秉國鈞者。咸以爭奪養兵爲主提。對於維持治安。辦理市政之警察。多置之不顧。而歷來警察當局。又多爲一系之私人。惟其領袖之馬首是瞻。於是警務廢弛。警餉欠乏。一般具有警察知識。及警察經驗者。多以衣食問題。不安於位。不得不顧而謀他。於是濫竽充數者。比比皆是。而北平之警察。日見腐化。以至於今。多抱敷衍了事。甚或假警察之名。庇惡胡行。言之可恨。卒至流氓盜匪。遍地橫行。越貨明火。無日無之。而公共衛生。以及交通事業。亦窳敗不堪。雖民衆間。有缺乏教育之流。不顧公德。不知法律。有以釀成之。然亦警察辦理之不善。有以致之也。今者北平在青天白日旗幟之下。凡百庶政。均實行改革。秉我先總理福國利民之主旨。爲民衆謀利益。警察當局。亦極力整頓警政。爲吾市民造幸福。則警察之前途。固有無限之光明。而可爲市政府贊助一切也。

總之。市政與警察。確有嚴密之關係。蓋警察之工作在市政。而市政之運用賴警察。二者缺

一。則市政固不成爲市政。而警察亦名存實廢也。

### 整理交通之我見

(續上期)

(華峯)

(三)郵政 吾國郵政。因隸屬於外人管轄之下。故辦法尙能認真。其成績亦斐然可觀。在四政中。差可人意。但在獨立之國家。最關緊要之事業。乃託庇於外人。言之可醜。思之可痛。當此統一垂成。庶政整理之秋。對於郵政。亦宜急速籌謀。使其不受條約所管束。則國權庶不僥落也。

(四)航政 吾國航政。操之於外人者。什之七八。最大之航行公司。如怡和、如太古、如大阪等等。均爲外人之所辦。至於完全華股者。祇有招商局一家。差可人意外。其餘多零小結合。不能與外人所辦諸公司。爭一日之短長。推其原因。半由於股本不及外人之宏厚。半由於航政當局未加以提倡也。

總之。對於交通事業。亟待整理者極多。固非片言所能盡。而阻礙交通事業之發展。則內亂爲其第一障礙。今者北伐功成。統一有望。則交通上已有整理之可能。吾人至是。又不能不深望於交通當局。有以解吾人之渴望也。

(完)

## 我所希望於提倡國貨者

(衛公)

近來吾國人士對於國貨運動頗有覺悟之明徵。蓋已鑒於國貨之盛衰實關於國家之興亡。而外貨之充斥尤足以制國家之死命。於是提倡國貨者接踵而起。然欲振興國貨尤當注意於人才。彼物品之製造全賴乎科學之研究。使有相當之人才更輔以豐裕之財力。創建大規模之工廠。製造物品宜注重於實用而定價低廉。則外貨不待抵制而國貨自能暢銷。且各國物品之特色各有專長。如德貨以耐用著稱。日貨以輕巧見長。乃吾國物品除固有限別無特長。欲恃以爲久遠與外貨相角逐良非易易。此等現狀不能不希望於有志之士努力於科學上之研究。必使所製物品有一種之特點。能留於人人心目中。然後可望爭存於世界。即國內提倡亦易引起一般人之注意也。

試觀吾人平常所用物品。泰半取之外洋。而國製之物或價值高昂。或品質低劣。均不足以與外貨較一日之短長。如針如紙如呢如絨均爲日常所必需。然多屬於外貨。此類銷場最廣之用品尤不能不急起直追。冀可稍塞漏卮也。

當此民生凋敝企業不振之秋。上談諸端未免有奢望之譏。但行易知難。不易之理。他人開

創。尙可成功。我有成法可循。寧不能自奮。願勿自餒。則國貨前途。庶有望乎。

## 民生問題與社會之關係

(夢甦)

我先總理之提倡三民主義也。其始雖民族、民權、及民生。鼎足而立。而其最終之目的。則歸於民生。蓋民族革命政治革命之後。而社會經濟之問題。卽因之發生。此社會經濟之問題。卽民生之問題。因民衆之生活。關係於社會上極大。欲求社會之安寧。民衆之幸福。捨民生主義外。別無善策。中國國民黨之黨義。解釋民生。卽以平均地權。及節制資本。爲民生主義最要之原則。

民生主義之目的。既係注重於民衆之生活。是以對於民衆一日不可離之衣食住行。四大需要。須設法使全國之民衆。均能滿足。而無缺乏之虞。則社會上既無流離失所之民衆。而社會亦可保其無發生意外之變。以妨礙社會之安寧。則人人各得其所。各樂其生。而天下太平矣。

當今之時。貧富不均。富者日食萬錢。而貧者欲求一飽而不可得。於是弱者轉死溝壑。悍者挺而走險。劫奪搶掠。踵接而起。社會上之危機四伏。而民衆咸不能安其居矣。使果能實行

民生主義之政策。則社會上之受益。豈淺鮮哉。

## 北平之將來

(恕)

△應注重於工業之建設

北平自遼金以來。爲中國首都者。垂一千年。此次革命功成。統一在即。政府當局。秉先總理遺志。移都南京。而北平首都之資格。因之消滅。一般論者。或主形勢。或主外交。或顧及北平市之將來。或主剷除相沿之腐化。爭持不下。今者奠都南京。爲已定之局。吾人固不必爲隔靴搔癢之論。然而北平之將來建設。以及民生之關係。想亦爲關心社會上所重注也。茲不揣鄙譎。特略述之。

北平在昔帝政時代。所謂輦轂之下。無上權力之皇帝居焉。全國財力。集中於此。全國官吏。發源於此。其繁華富麗。爲天下冠。民國以來。以爲首都。尙恃中央直接之收入。以維持一切。全市上之工商。藉以支持。蓋完全以首都之資格。非若其他各商埠大城工商業之發達。原則也。連年以來。受軍事之影響。政令不出都門。而工商之凋蔽。已臻極點。一般民衆。所冀望者。爲革命成功。恢復前觀耳。今者官署雖存。都化爲市。一般民衆。咸具失望。然北平眼前之

零落。固一時之現象。然苟不求根本上之建設。則恐成爲歷史之都市矣。曠觀各國之大都市。其得繁盛之原則。不外工或商之發達。北平地處大陸。不瀕海口。商業方面。似爲不宜。然而氣候溫和。雨量微少。人情樸厚。持久耐勞。且環平各縣。出產繁多。而鐵路四大幹綫。咸集於此。交通極爲便利。在工業上之發展。實有可能性。故欲謀今後北平之發達。捨提倡工業外。固無他道也。

且北平自來。固以工業著名也。如銅鐵金銀各種器皿。及日用尋常之物。其堅固新巧。久爲全國所艷稱。而仿造之玻璃、洋鹼、蠟燭、紡織等物。亦不讓於舶來之品。使苟能資本集中。組織大規模之工廠。則北平之工業。未始不能與其他工業著名之都市。爭一日之短長也。

### 對於禁煙酒之瑣話

(今聞)

內政部對於未成年者。吸煙飲酒。經已明令禁止。且有罰金之定。是種明令。極爲適當。且於民衆個人衛生上。及經濟上。均有莫大之關係。與國府整飭紀綱八事中之絕嗜好相吻合。蓋煙酒原料。均含有劇烈之刺激性物質。及麻醉性物質。在未成年之男女。體質尙未堅固。一染有煙酒之嗜好。腦肺最易受害。既染有不良之惡習。又足阻礙體育之發達。爲害較

成年爲尤鉅。內政當局。有見於此。毅然下令禁止。造福於未成年之男女同胞。豈淺鮮哉。惟是烟酒二物。害多益少。不獨未成年者。應行禁止。即已成年者。也應戒除。不過目下舉國民衆。嗜此者多。普遍禁止。恐難實行。各國之禁酒戒烟。提倡者雖大有人。然而效果則等於零。無他。積重難返也。此等現狀。惟須有志者之竭力提倡。以身作則。則吸烟飲酒者。雖不敢謂爲斷絕。然或可以稍減少耳。

## 國恥與抵制提倡

(一民)

我國之有提倡國貨之運動。已二十餘年於茲矣。每一度國恥。即起一度之抵制外貨。而提倡國貨之運動。亦隨之而起。表裏相生。交互爲用。理固然也。然而吾國人多具五分鐘之熱度。曾不旋踵。而無聲無色矣。試問此二十餘年中之提倡國貨。其成績果如何耶。回思二十餘年前。舶來之物。類多奢侈品。今則其數量有增無減。其品類之範圍。亦與日俱進矣。在此時吾國所進口之舶來品。除奢侈品外。其日用之品。亦日見加增。其故何哉。蓋曾推而論之。大凡感情之爲物。原不能持久。當彼懷敵之時。熱心之士。登高一呼。羣山皆應。而抵制提倡之聲浪。高入天雲。當其盛也。全國景從。氣吞敵虜。而乃國耻之痕漸減。敵愾之概漸消。對外

對內之運動。亦從而日漸衰微。至於無聲無臭。且經濟上之景象。又非純然之性理與感情所能左右。於是見利忘義之徒。又從而誘惑之。遂使一腔義憤。終如泡影曇雲。而洋人又復揣摩吾國人士之心理。巧製用品。以遂其商戰之野心。終釀成此喧賓奪主之現狀。有志之士。罔不惻然憂之。然欲救此現狀。非從根本上建設不可。蓋消費者之享用。已成習慣。欲言抵制外貨。非國貨有可以代用不可。但習尙囿人。往往非性理所能爲力。縱屬奢侈品。已難強人割愛。屏棄不用。若夫日用必需之品。非國產之所無。即雖有而價昂質劣。當彼感情作用之時。尙可藉以抵制。然而至於事過境遷之日。靡不健忘。趨之如故。是以歷次抵制提倡。終無大效。正坐此因。

準是以言。吾國而欲求其真正排斥外貨。不能不改良國貨。組織工廠。提高品質。平定物價。否則。捨本逐末。終無補也。今者濟案之耻。喧騰中外。而抵制提倡。亦照例而生。且蒙滿之交涉。亦在伏萌之中。吾國人果不欲救國亡雪國恥則已。否則。根本上之計劃與建設。似不能不一顧及。若再如前者之徒高唱抵制提倡。其結果亦終貽五分鐘熱度之譏耳。

## 設教育部廢大學院

(紀倫)

前者四全會中。委員亨頤等。曾提倡設教育部廢大學院。結果決議保留。至三次代表大會解決。此次五全會議。又有提出斯案者。其所持之理由。謂培養人材。與支配人材。不能合爲一機關。恐開學閥之弊。其事實。則謂大學院機關。列在國府組織案內。而大學院門口之招牌。不同各新院之稱爲國民政府某某院。而書爲中華民國大學院。是否表示教育獨立。大學院與國民政府並立。言之極爲中肯。竊以教育亦爲行政之一。以民國行政機關而論。似宜亦設一部。與其餘最高級各行政機關。同隸於國民政府。以歸劃一。而重權限。且各大中小學校。均爲培養人材機關。而教育行政機關。則有支配人材之職權與義務。惟大學院制度。則培養與支配之特權。兼而有之。實易肇一手操縱之弊。而引起類似軍閥之結果。殊非教育方面之好現象。此次亨委員等主張設教育部而廢大學院。亦屬教育行政中建設方案之一。所以防備未來教育之隱患。在理論上之理由。可謂充足也。至於名稱上之錯點。尤足令熱心教育者。不能默然。蓋當此革命政府之下。行政各機關。名與實均須注重於統一。萬不可別出一幟。生民衆之疑竇。而引起種種之糾紛。大學院制度。既列於國民政府之組織案中。當然隸於國民政府之下。爲國民政府局部之一機關。與國民政府之某某院某某

部同。乃門口招牌。竟冠以中華民國四字。不能不謂爲當時主其事者之錯誤。實不可以爲訓。何怪乎亨委員提議之說明書。有「難道教育獨立。必須獨立於國民政府之外」之語。此其所以貽人以口實也。

總之。以前所述。大學院既無必需之要。自無存在之可能。且設教育部。又爲國府行政中所需。則宜速於國民政府之下。設立教育部。一面明令將大學院取消。庶國民之教育。得以切實進行。則教育前途。曷有涯乎。

### 廢娼問題

(續上期)

(心青)

(B)前者張垣當局之治張垣也。凡逛窯者。查詢其係商界中人。必令軍警護送其回店。交其父兄掌櫃。自行誠責。一般商人子弟及學徒伙計。均相戒裹足。不敢入娼門一步。此法可以摹倣。收效易而費力少。

(C)規定逛嫖之價。十倍或二十倍以上。且加以重捐。使一般普通人。因經濟關係。勢不能不戒嫖。是寓禁於加價及徵中。此種辦法。亦可收一隅之效。

上列三種。如能實行。則嫖者少。而娼妓之生涯。必大受影響。因娼妓本身之問題。不廢

而自廢。但苟無補助預防之法。必發生下列種種之弊。

(a) 流娼 娼妓因受淘汰。不能自存。勢不能不自覓生活。於是四出拉客。設種種之牢籠。使人入其彀中。以達其求金錢之目的。而社會治安上。轉受莫大之障礙。

(b) 暗娼 娼妓因生活問題。既受法律所攢斥。不能自存。則必由公變而為私。遊客方面。亦樂其不外揚。秘密交易。社會治安上。必受莫大之影響。

上列二項。為實行禁嫖後。所最易發生之弊。欲求免去此弊。當用補助及預防之方法。方法維何。即下列三項也。

(1) 竭力調查。並須監視各娼妓之行動。

(2) 如有犯流娼、暗娼者。應科以重大之罰鍰。並發入濟良所擇配。

(3) 改良濟良所之組織。

(丑) 滅娼 當社會生計問題未完全解決以前。完全剷除娼妓制度。似乎實際上有點為難。最好效從前上海擊籤辦法。逐年減少。惟是滅娼而不籌善後之法。亦易發生如禁嫖後發生之弊。至其救濟之法。亦與前之救濟 1. 2. 3. 同。

(庚)宣傳 一般娼妓。非均生而甘作下賤者。泰半爲經濟所迫。或爲奸人所誘。至於淪落。久而久之。習與性成。恬不知恥。卒至安之如素。甘之如飴矣。若能竭力宣傳。苦口曉諭。使其知作娼妓之下賤。俾有所感化。自覺自悟。受良心之裁判。不甘終于淪落。則實行廢娼後。雖不敢謂無發生流娼暗娼等弊。然或不至如驟然廢娼之甚耳。

上列各端。均係治標辦法。對於廢娼前途。不無絲毫裨益。亦可爲廢娼問題上之一助也。

(乙)治本 廢娼治本之法。完全屬於社會問題。其所最緊要者。有下列種種。

(一)禮教問題 我國爲數千年禮教之國。在昔對於女子方面。最重貞節。所以女子一至於爲娼妓。即鄙視之。故此時宜注重於女子教育。對廉恥之意旨。亦應家傳戶曉。使一般青年女同胞之心腦中。咸灌滿禮教廉恥之意義。知娼妓爲無人道、不道德、之行爲。一入其中。自不能齒於人類。爲治水治源。醫病醫心之計。自可澈底廢剷矣。

(二)職業問題 中國由來惡習。多重男輕女。素以女內男外爲主訓。一般女子。除襁褓烹調主治中饋外。其餘生活一切問題。概由男子擔任。於是女子遂幾視爲男人之附屬品。倘使女子離開男人。則生計爲一大問題。而娼妓制度。亦因是而發生。今本我

先總理男女平等之主旨。而提倡廢除娼妓。則女子生計問題。不能不加以研究。欲研究女子生計問題。則須先解決女子之職業。使女子皆能自食其力。而不仰給於男人。是以前先創辦女子職業學校。授以職業教育。學成之後。各本其所能以求生活。則爲金錢所驅使。爲經濟所迫挾。而爲娼妓之行爲。可以根本取消矣。

(二) 法律問題 娼妓之爲娼妓。什之七八爲金錢關係。而以人身爲交易品。作貨物之買賣。違背法律。損虧道德。莫此爲極。鄙意以爲宜科以鉅刑。凡有購買良家女子作娼妓生活者。無論本人願意或不願意。均科以買賣人口律。使一般萬惡之搗閻。無所施其伎倆。而娼妓制度。亦可因是而剷除矣。

綜上所言。對於剷除娼妓制度之治標治本辦法。雖不能謂爲詳盡無遺。然其大端。亦不過如是。惟是事實實施。空言何補。竊願當局者之不惜以焚鶴焚琴手段。毅然行之。則造福於社會及女界。豈淺鮮哉。

(完)



## 一週中建設大事紀略

△南京專電。支(四日)預備會。出席執行委員十九人。蔣(中正)主席。(一)、追認程潛停職查辦案。以(繆斌)遞補。(二)、陽(七日)開二次預備會。(三)、組織審查委員會。以譚(延闓)、蔣(中正)、于(右任)、戴(季陶)、丁(惟汾)、爲委員。(四)、王陸一爲五次全會秘書長、(五)、通知馮(玉祥)、閻(錫山)、楊(樹莊)、列席全會。(六)、電上海十委員來京出席。

△又電。五全會庚(八日)午前行開會式。午後續開各組審查會云。

△又電。蒸(十日)上午十時。舉行正式會議。開始討論各具體議案。計分三種。約六十案云。

△上海電。五全會。大抵本月十五日。可以閉會。

△南京電。中央建設委員會、任蔣中正爲主席。張人傑、薛篤弼、吳敬恒、李宗侗、黃宗侃、爲常務委員。

△又電。五全會議決。總理葬期。定明年一月一日。

△上海電。裁兵會議。軍事委員會、正積極準備中。李烈鈞主張、第一步先就平定省分。縮減兵額。凡軍事未結束區域。從緩實行。各委員意見多傾於贊同。其分期裁兵說帖。日內將推人起草。

△朱兆莘已赴外部視事。並召各司處職員訓話。勗以安心供職。努力合作。聞朱將專辦關於廢約事宜。

△南京電。八月一日舉行之全國航空聯席會議之開會式。只有中央代表楊樹莊致聯席會議之訓詞。未有

## 一週中建設大事紀略

二

何等具體的協議。

△周震麟電覆李烈鈞。請速頒保障人民生命財產信條。

△前交通部召集之全國交通會議。北平總商會正副會長孫學仕、冷家驥。曾由該會聘為會員。據聞孫冷因會期迫近。特派會董卓君衛代表列席。並已擬定提案三項。交卓代往。以便屆時提出討論。三項提案內容。爲（一）恢復各路尋常定價定臨時三種貨車。以利商運案。（二）免除各種鐵路附加稅案。（三）恢復五路聯運貨車案。

△南京電。交通會議。廣州派周鍾文、湖派熊亨靈、湘派龍修英爲代表。

△建委會無線電報管理所發表。自即日起。開始收上海、漢口、廣東、雲南、西安、五處之一般商報。使用之電報線。爲河姆斯式舊式線。

△中央黨部組織部委員主席丁維汾。向大會提出下列之教育計畫。（一）、凡有革命功績人員。予以相當教育。（二）、設法增助青年就學之機會。（三）、各學校實行三民主義課程。

△馮玉祥四日下午二時。在中央廣播無線電發音室演講。中有「互相原諒。互相補助。國家之利。社會之福。切忌猜忌。切忌挑剔。不慌不忙。合而爲一」等語。

△國府工商部長孔祥熙氏。以我國商民方面。昧於事理。貪圖小利。抬高物價。致國貨不能銷售。外貨得以乘機暢行。實於工商前途。大受影響。昨特發出佈告。平定物價云。

△北平總商會。爲中央省銀行鈔票問題。迭電各方當局請求設法維持。國民革命軍總司令蔣中正對此事。極爲注意。特派經理科科長孫作仁來平。與總商會磋商辦法。聞孫已赴商會與會長冷家驥接洽數次。結果極爲圓滿。商會提出兩項建議案。(一)飭令各征收機關。一律搭收五成中央票。(二)在北平各衝要地點。設兌換所。如此則流通自易。聞孫氏對上項提案。頗表贊同。現已去電蔣總司令報告。一俟覆電到平後。即可依次實行云。

△中央民衆訓練委員會。近通令各級黨部。謂黨務工作人員。除經該管機關特准兼職者外。不得兼任他職云。

△北平女師大學生。爭男女教育平等。昨發代電請教育當局注意。中有爲二萬萬女子教育前途奮鬥。決不承認一切不平等之待遇等云云。

△近來漢口廣東方面。關於廢約宣言對條約國之臨時辦法。正在準備施行中。但南京政府當局稱。關於適用臨時辦法。尙未向何等地方發出訓令。

△南京中央黨部。爲與各地黨部互通消息起見。近來在中央建築大規模之無線電台。並派人到各地黨部安置收音機。茲聞昨日中央已派楊永振。帶一切應用電機來北平特別市黨務指導會。准於日內在該會大禮堂安置應用云。

△軍委會前致電何成濬。對北平營產營房收場。有所論列。昨日何已復電。聲明照辦。並對於營市性質

。解釋甚詳。

△各省烟禁廢弛。上海拒毒會。疊電催促。國府限令禁煙委員會。在十五日以前。正式成立。會同內政部督促進行。並飭由該會遴派大員。前往直皖粵等省。分別調查。防止各省區有阻撓煙禁情事。

△太原政分會已成立。各委宣誓就職。閻因病未到。

△北平冥衣裱糊行公會。現已擇定地定門牌一九二號爲臨時會址。並推舉孫建章等十七人爲執行委員。張清泉等五人爲檢查委員。張維榮等四十五人爲常務委員。日內即成立平民夜校及訓練班云。

△商民協會昨在市黨部開常會。呂和璧主席。成立苛稅雜捐調查委員會。李樂三復說明必須成立該會之宗旨。當即推定金智華、高理亭、李樂三、等九人爲委員。繼又討論維持中央毛票問題。擬請當局在票面印北平二字。並要求各機關搭成收用。後通過各科幹事人數及聘請方法。提議宣言。經一度討論改後即散會云。

△市黨部宣傳籌備發刊日報。約分經理編輯兩部。各設主任一人。經理部分會計、庶務、發行、三股。編輯部定編輯員六人。社址派人分頭尋覓。定名三民日報。惟尙須提出指委會討論云。

△太原電。閻(錫山)爲實行兵工政策。令兵工廠停工。改爲軍人工藝實習廠。

△學界濟案後援會籌備出版濟案特刊。

△河北省政府委員丁春濤對新聞記者言。河北省會即移北平。各項黃捐均將取消。